

Patrie dal Friûl

SFUEJ SETEMANAL INDIPENDENT

DIREZION E AMINISTRAZION: UDIN - BORG DI PRAMPAR, 10

Abonameaz: par un an 500 fr., per sei mès 250

CANICULE

Brute stagion, cheste, par tirâ indenant il tamon di une nazion disngarade su lis stradis stuartis, sretis, revidis e pantanôs di pulitiche. Ce astu mai tal tu. De Gasperi, a cjapâi su la cope d'utis chestis rognis in tane volte?

Des mil quistions di pulitiche interne e estere, no'ndi je une di facile pe biade democrazie italiane che no si capis ancjemò se je massude pardabon o no. L'inglese dai tre "Partiz di masse" - "e son di masse, sul serio, due" i tre, "o crodin" - "e je distinate a ripeti i ritard e i sdrindulanz dai C.L.N.; la dipendence e l'ubidienze da l'Assemblee Costituent es direzions dai granc' partiz si è mostrade subite clare e evident; iis ideologis e i interes dai partiz dominanz: "e son tant lontans e contrariis tra di vir che no podaran mai jessi incanalâz in tun program di ricustruzion par opere dai dirigenz di cumò; la pore che un dal altri e i scrupuj che mostrin denant di ogni propisite o iniziative di qualchidun di lôr, no saran mai superâz in cheste clime di diffidenze.

La pulitiche e je simpri guidade e indrezade dai quadris uffizial des clapis vinzadis dal 1922 e il rinovament di chest personâl al è pegri e paralitic; la gienerazion vignade sâ sot de ditature no mostre nè maturitât, nè risolutezze, nè fregul di sigurezza tai siei orientament, e chest al è un grant malan pai doman de republiche democratiche. Par consequenze si presente clâr e net il pericol che la Constituzion si contenti di gambiâ il non e il titul de vecje tradizion unitarie, burocratiche, conjoemistiche e di clamule republicane, cence parâ dentri lis ongulis le sostanzie; che je zaromat fraide; come se il faliment jussist no fos un faliment costituzional.

Intant, o par lavâsi lis mans o par no disturbâ masse lis polsis estivis dal zerviel, si cjâin jûr quatri cireneis che formin des Sotcomissions e si ur d'incariche di jâ progettaz; cômpez di sceule pe session di atôm.

Al è massè scjafojâz a Rome par podè lavorâ.

L'uniche ocupazion che no coste tante fature e tant sudôr "e je chê de pulitiche estere fate di protestis, di fricadis, di tamburadis, de declarazions, di statistichis dai nestri contribûz "e liberazion. Ma "e je aromai une robe strache ançe cheste: salacor parçè che "e an capil ch'al è slât e ingiustri strassât par dibant. Une nazion disarmade, disorganizate, disunide, plene di torguliz e di disordins no jûs pore a nissun; "e pò sberghelâ tan che al, che nissun j'abate. No saran dai sigûr lis republichis di Panama o di Cuba a savolâ il "diktat" di Parigi sul cont de pâs cu l'Italie.

Cui sa se cheste ficjasse "e siarvarâ almanco a jêle capi ai talians che lis ueris nazionalistichis, a jâ lis sumis, no puârân nissun risultât. Se par un moment si pò crodi di vè otignût can tunc qualchi vantiz, "e ven chê altre a disfilâ. Il biât pape Benedet XV, sul colm a prime vere mandâl la veve clamade "inutil mazulizi". Cuiâtri di cheste perale "e alzarin la lôr vòs sdegnate patriot, nazionalis-c" e fassiss-c" - cun dat il condamp Benito - protestant energicamentri. Domân, passandoman - par tant ch'al pâr - cu la separazion di Trieste, la piardite da l'Istrie, di qualchi

locut sul cunfia de Franze, di qualche dozene di tsulis e di qualchi miliari di dolars par riparazions, "o savarin a disal se chel pape nol à dade une definizioi, magari cussi no, iuste: prophetavit qu' pontifex erat!

Ma chestis "e son riflessions un fregul futuris, e cumò no si pò pratindî che il pensador al mosani masse; "o sin su la canicule!

La gnove siorie 'e va in vacanze

I pais di vilegiature e lis localitâz di bagnos - se no son a disposizion de fuariz aleadis - chest an "e an vûr l'assalt di tunc sdrume di siôrs di gnove marcje: buteghirs, speculadôrs, farses dal mercjât neri, int, insumis, che il provâ a fâ la vite dal siôr, par chiel tant che i permetin lis cjartis di mil ingrumadis o intassadis, se prime, ce dopo de liberazion.

Poben, che si spitchin: al il di che cussî almanco un pês dai bêz che an gjavâr di sachete "e purse int, "e torna a zira pai pais privilegiâz di mari nature. E se ju spelin, ben fate.

Il biel al è a viodi cemût che cheste gnove siorie "e sa fâ la part dai siôrs: cun ce gust, cun ce educazion, cun ce finezze, cun ce signorilitât! Chel che podevin, une volte, permetisi il lusso di: l'alcualchi setemane o qualchi quindisina in campagne o sul mar - magari stranzint la corêe dut l'an par cjotâsi cheste grande sodisfazion - "e vevin almanco un fregul di vernis parsorarie par tapinâ la miserie de lôr anime borghesse o lis eroguaris che ur vevin sgontât li tacuin: "e savevin puartâ un visîti, sentâsi dongje lis taulis di un ristorante di prime categorie, tignî sù un signâl di conversazion vuide, stupide, larmie ma corete e magari brillant. Ma cheste gnove

ve "ristocrazie... Diu nus uardi! L'odôr di buteghe o di stâl si ur al sint tre mîs di lontan, e lis eghis di bon odôr che si meti intôr par scjafojâlu, lu fasin diventâ ancjemò plui stomeôs.

Dal rest tancje cheste no je ûhe nutritiv: j viej "e disevin un proverbî sul cont di chê materie che no si pâr bon a nomenâle: che quan'che monte in scago, o che spuzze o che fâs dam.

E il biât Friûl?

Lis faturis e i sudôrs de Sotcomission pes autonomis a Rome

ROME, avost. L'assemblee Costituent "e à dividude la fature de gnove Costituzion de Re-

publiche Taliane in tancis Comissions o Sotcomissions che varesin di tratâ ognidune un aspiet di che fazzende intrigose. Une Sotcomission "e je stade nomenade ançe par studiâ la quistion des autonomis regionâls. "E jasin part deputâz di dac" i partiz pui fuarz; e naturalmentri cheste Sotcomission "e riprodûs la piazza la Babilonie di impinions contrariis che ten paralizade dule la Constituent.

Cheste setemane i sotcomissaris "e an finalmentri scomenzadis lis lôr discussions cun chel spîr istess ch'al domine la l'assemblee generâl: cui dat, cui nuje, cui un fregul. Lussu e Finocchiaro-Aprile "e suressin pe forme federativiste, ma "e bûfin il claus massime pes lôr isulis; Sicilie e Sardegna. Rossi, socialist e Grieco, comunist in sostanze no velin savent di autonomis e ancjemò mancul di ideis federalistis; un nol il sijn a fevelâ di Regions e al orês che si lassas une qualchi indipendence amministrative es Provincis; chel altri al pensars di costitui lis Regions ma a pet che solvie no si scandin aspirazions, federalistis. "Orpâ, ce gjenio! I democristians Lami, Tosato, Mortati, Mannironi "e cjâpin, come il solit, la strade di miez; il plui lavc al semeare Mortati ch'al orês lassâ es Regions la plene mancoime legislative e tributarie. Uberti, democristian ancie lui, al javaris lis Regions cence disjâ lis Provincis; al ven a staj che la sceale in terminabil de gjerarchie "e vares di jessi slungjate midiant la zonte di un altri scjafin. Si capis che plui di un di chese" legisladôrs improvisât al pense a mantignai un biel rumar di cadreghins parche i siôrs des miezis manûs no vebin di restâ cence la lôr mesade! Che vivi la muse de burocrazie!

Intant, stracs di tantis strussis patidis in tunc setemane di lavor, i sotcomissaris "e an stabilît - dac" dacord, cheste volte - di cjapâsi un mesâl di vacanze, dopo di vè metût adun l'ordin dal "giorno" indal che si torne a ojerinâ la neccesitât di creâ lis Regions autonomis, cun tun tratament speciâl pe Sicilie, Sardegna, Valdoeste, Trentin e Alt Adige. Si sa che par chei cavie il Friûl nol esist!

A. R.

L'ARC DI BOLAN



(XII. di T. Marangoni) Par cui ch'al à vòj e bon gust Udin al presente lûs sôs bielis inquadraduris tan'che une des nestris citâs storichis plui inomenadis. L'arc di Bolan al jere une volte insomp dal borg di Puartegnove; cumò al è slât strapuartât e tornât a meti adun in Cjâjel, tra la Cjase de Fraterne di Sante Marie e il palâz dal Lucignint.

I NESTRIS DEPUTÂZ ADULÀ SONO?

Fin cumò "e an tasût - E daûr des quintis? - I paladins da l'autonomie pe Sicilie, pe Sardegna, pe Valdoeste, pal Alt Adige, pal Trentin - Vîno di fâsi sintî cui metodos che dôprin i meridionâj?

La Furlanie "e à mandâz a Rome un biel tropût di avoçz, professôrs e umin di pulitiche, a rappresentâ te Constituent. Fintremai cumò nissun di ches-c nestris delegâz nol à viart il bec tant a fuart che la stampe si sedi visade di lui. Chest a nol è un rimarc: "e pò anzit jessi une laude. Un furian, in miez a une balfoerie di monadis, al tîs, se no altri par dignitât.

Ma duc' si lu sa che l'opare di us deputât no consist nome tal fâ internazionaliz, tal fermâ la perale in boçje ai cjacardôrs di Montecitorio, "al sbrâr moraliz di eloquenze pulitiche. Daûr di cheste ativitât cence impuartanze al è dut i' sgarmement dai curidôrs, des ancjamaris, il sbruducjament des amizis, des influenzis, il sbisiamant dai partiz e vie discorint. Esal qualchidun che rûs sepi contâ ale sul lavor dai nestris deputâz daûr des quintis? "O intindin fe-

velâ dal lavor in pro dal Friûl, a vantar dai eletôrs che ur an mostrade la l'ostime e la lôr fiducia.

La Sicilie "e à mandât il so Finocchiaro-Aprile, che ben o mât al trafiche e si fâs sintî; la Sardegna "e je rappresentade da Lussu che al à tat cognossî la volontât di chê isule di rivâ a une autonomie particulâr. Il Trentin al à de sò banda nulemanco che il Capo dal Gaviâr ch'al à plui di une volte prometût e sigurat un tratament di favôr pe sò indipendence; il Sudtiroi e la Ladinie "e an di vè qualchidun che s'interesse vie par Rome des lôr quistions, "e an un prefet ch'al sâbare, qualchi amî ch'al navighe e ançe lôr "e an fate sintî la lôr vòs.

La Furlanie no à di vè nissun. Duc' i partiz e an presentât insiem cui lôr candidâz la promesse che varesin fâ dut il pussibil par che la personalitât etniche, linguistiche, economiche de ne-

stre region - personalitât plui nete, plui incunstrade e plui compate di dutis chês altris - "e fos ricognossude. Une Sozietât Filologiche che unive insieme la plui brave int di chenti "e à tignût dâr par vînc'agns a dutis lis ostilitât dal guviâr.

Une Associazion pa l'Autonomie dal Friûl "e passude subite dopo de liberazion e à tirât dongje mîars di adersions che testamoneavin il pinsir e la brame dei furians. Il prinzipâl esponant, il propagandist il teorico di cheste associazion e di chest moviment, l'av. Tessitori, al è stât elet deputât e al à vût, sedi tes votazions cumunâls, sedi in chês nazionâls - un vèr plebissit di preferenzis. E "o savin di podè di che une part di ches-c" vòz e di chestis preferenzis j son vignadis dongje juste apont parçè ch'al jere l'esponent dal moviment autonomist.

Poben, e alore cemût ese che a Rome si fevele di autonomis speciâls pe Sicilie, pe Sardegna, pe Valdoeste, pal Alt

Adige, pal Trentin; e dal Friûl nissun dis noje?

No vîno dunque propit nissun ch'al difindî la nestre part lavie? Sino, come simpri, i fis de masserie che an si raspâ i vanzums dopo che che'altris si son passûz?

Ese bessole la vosune di chest stuej - vòs di personis che no an la mediate, che no girin pai curidôrs di Montecitorio, che no vadin in zercje di relazions, di sburtadis o di cadreghins, che no an nancje l'ombre di une ambizion, ma nome un amor seunfinât e quasi fanatic pe Furlanie, - ese nome cheste vòs che si alte in difese de nestre biade tare simpri trascurade o strutate o mahretade?

"O si scuegnial propit bandonâ la strade de buine rezon e scomenzâ a fâsi sintî cui metodos dai meridionâj parche a Rome s'incunçin di nò?

